

Psalin. 118.

anna intonirn, vnd mit dem Königlichen Propheten David frölich singen vnd sagen aus dem 118. Psalm. Hæc est dies, quam nobis fecit Dominus, Exultemus & lætemur in ea: Das ist der tag / den vns der HErr gemacht hat / lasset vns darinne frewen vnd frölich seyn / O HErr hilff / O HErr laß wol gelingen / Gelobet sey der da kömpt im namen des HErrn / Hoschianna in der höhe. Damit aber nicht alleine die auffwachsende Studiernde Jugend: Sondern auch eine allgemeine Bürgerschaft dieser Stadt etlicher massen Wissenschaften tragen möge / wie vnd welcher gestalt es vmb diese löbliche Vniuersitet bewand / vnd was man an derselben vor ein edles Kleinod habe / das mit der allerköstlichsten Kauffmans Wahr / ja mit allem Vngerischen vnd Arabischen Golde nicht zu bezahlen ist / So wollen wir mit Verleihung Göttlicher Gnade von solchem Edlen Kleinod fürzlich vnd einseitig reden / vnd zwar nachfolgende vier Püncklein in der furcht Gottes mit einander betrachten:

Abtheilung  
der Jubels-  
predigten/  
in 4. Pün-  
cten.

1.

Zum Ersten wollen wir sagen: De Academia hujus origine & ingressu: Von dem Anfang vnd Ursprung dieser löblichen Vniuersitet, durch welcherley Occasion vnd Gelegenheit sie anhero kommen sey?

2.

Zum Andern / De felici ejusdem incremento & progressu, von ihrem wachsen vud zunehmen / was nicht alleine die Geistlichen im Papstumb: Sondern auch die löblichen Landesfürsten bey derselben gethan / daß sie ielenger je mehr auff die Beine vnd in auffnehmen kommen ist:

Zum